



瓜蒌志

貳百廿八之貳百四

大尾

ケ 5
61
A.8



七七

武備志卷二百二十八

防風茅元儀輯

占度載

度 四十九

四夷 十六

安南考

安南唐虞時南交也秦為象郡漢初南越趙陀據之武帝平南越置交趾九真日南二郡光武時女子徵側徵貳反馬援討平之建安中改為交州置



明治
月 年
日 未

武備志卷二百二十八 占度載 度 四夷 十六

牧唐置都護府改爲安南五代時土豪曲承美據之已爲南漢所併宋初丁璉有其地封交趾郡王自是棄爲夷璉傳弟璿黎桓篡之桓傳子龍挺李公蘊篡之公蘊八傳嗣絕爲其壻陳日叟所有元攻下之封其子光昂爲交趾郡王終元世貢不絕亦時時侵掠邊郡不敢大爲寇國朝洪武二年國王陳日燿遣使同時敏等來朝貢上命侍讀學士張以寧典簿牛諒齋詔封日燿爲安南國王給鍍金銀印未至日燿卒姪日燿嗣請詔印於以寧拒

之吾受命封先王何以得擅子若日燿請於朝乃遣編修王濂主事林唐臣封日燿嗣王而嗟賞以寧得使臣體日燿拜詔甚恭未幾爲陳叔明所篡叔明老弟熾代視事熾攻占城敗死弟煒代先是上嘗戒安南占城毋相攻至是以叔明兄弟怙強速禍復遣使諭之叔明表謝連歲貢上厭其數令二年一貢毋侈方物進犀象以勞吾民二十一年黎季犛弒煒立叔明子日焜命絕其貢叔明八年死上以叔明身自爲篡勅禮臣毋躬而遣行人陳

誠呂讓諭還所侵思明五縣不聽日焜旋亦爲季
犁所弑季犁大誅殺陳氏更姓名曰胡一元子蒼
曰胡登僭號紀元國曰大虞永樂元年表言陳氏
世絕登爲陳甥求署國事從之已真封爲王會陳
氏故臣裴柏耆走闕下乞師而老搗亦傳送故王
孫陳天平來朝安南使者見天平多泣下詔詰季
犁季犁詭請迎天平歸還以國天平行命都督黃
中呂毅率兵五千送之季犁遣使迎具牛酒犒師
偵騎往壺觴道相屬也不爲虞行至芹站伏發殺

天平及大理卿薛崑中等引還上大怒以成國公
未能爲征夷將軍率新城侯張輔西平侯沐晟等
二十五將軍出廣西雲南兩道討季犁而以尚書
劉儁督師尚書黃福大理寺卿陳洽督餉親幸龍
江禱祭戒諸將毋縱吏士暴掠毋輕進貪功罪人
得則歸國陳氏擇立其子孫能行至龍州卒輔進
破隘留鷄陵等關傳檄數黎賊二十罪師次新福
縣晟亦自雲南至白鶴江遣人與輔會上命輔盡
護諸將兵代能時賊恃宣洮富良諸江爲固緣江

樹柵立椿別築土城備禦甚嚴欲老我師輔晟合
攻之下令軍中丈夫報國立功在此時矣先登者
賞不次士皆奮銜枚舁攻具薄城裨將蔡福先登
衆繼之舉火城上銅角齊鳴賊披靡退驅象巷戰
遊擊將軍朱廣以畫獅蒙馬神機銃翼而前象奔
賊大潰斬獲及陷藉死者無筭進克東西都賊焚
城遁連戰萬劫江木九江閩海口皆大破之諸郡
邑相繼降附輔徧宣上意令安業隨窮追季犁父
子於奇羅海口都督柳升以舟師會悉擒之安南

平得戶二百一十二萬象馬牛羊舟糧器械無筭
捷聞詔求陳氏後無存者父老合辭請郡縣視內
地乃置交趾都指揮布政按察三司府十七州四
十七縣一百五十七衛十一所三市船司一以尚
書福總布按二司事勅輔求交趾有能學藝者舉
以聞六年輔振旅還論功進輔英國公晟黔國公
升安遠伯餘陞賞有差已交人簡定反命晟討之
僞復督師晟戰敗績僞及都督呂毅叅政劉昱皆
沒賊黨陳季擴鄧宗異等益猖獗乃命輔往輔率

諸將敗賊賊子關又敗之大平海口追至清化殲其黨李擴自言我陳王後也請立不許請降許之以爲交趾右布政使輔歸復反竟復遣輔轉戰連年賊乃獲自輔之下交南凡三擒僞主威震西南夷中遂留鎮其地而尚書福有威惠交人懷之弭伏莫敢動十五年召輔還以豐城侯李彬代久之福亦歸尚書陳洽代時中官馬騏墨而殘交人怨之三年之間叛者四五起彬先後討敗之而黎利最劇連結老撾出沒縱橫彬不能制詔以爲清化

知府利許諾然竟不赴而攻劫日甚先後破茶籠州諒山府茶籠守琴彭諒山守易先皆堅守力盡俱死之洽力言利詐宜亟誅而中官山壽持撫議甚堅擁兵自衛諸將陳智方政復不相能彼此牽掣師遂敗事聞章皇帝下璽書切責而以成山侯王通總兵討賊通戰寧橋中伏大敗尚書洽死之已敗賊交趾城下殺萬餘人諸將請乘勝蹙賊通不從賊知通怯益聚衆肆掠攻昌江城守將李任顧福日夜拒戰焚其攻具賊益起土山以飛鎗射

城中任福率敢死士夜開門殺守土山者龔破其營賊爲地道入鑿橫溝應之從溝中發石擊殺賊甚多賊恐大軍至據其城攻圍不休相拒九閱月城中將士三千餘人至是亡其半力竭不能支城遂陷任福皆自刎死中官馮智北向再拜誓不從賊與指揮劉順知府劉子輔俱自經死軍民感其義同死者甚衆上遣安遠侯升黔國公晟分道柱援以尚書李慶督師升剽而輕旣連勝易賊慶言宜少戒升不聽竟中伏死慶及副總兵梁銘相繼

病沒參將崔聚率兵進至昌江賊大驅象而前軍亂聚被擒時尚書福在軍交人得福環跪泣公在我曹不至此就送之歸而晟兵竟不出通懼大賂遺利與盟而旋師按察使楊時習爭之強不聽羣臣劾通并馬騏下詔獄論死通後竟脫利美言前國王遺嗣高今在老撾請嗣封上集大臣議英國公張輔尚書蹇義夏原吉皆言交南本中國地勞苦而得之不宜墮成功示賊以弱太學士楊士奇楊榮頓首言兵興以來天下無寧歲今瘡痍未起

而復勤之臣不忍聞且求立陳後者太宗皇帝心也求之不得而後郡縣叛亂相尋至深屢先帝憂今因其請撫而建之以息吾民於計大便漢棄珠崖前史榮之安在爲示弱乎上曰卿二人言是先帝指朕固知之明白出嵩表諭羣臣朕以此爲武卽議者未同無庸恤羣臣頓首稱善於是命禮部侍郎李琦工部侍郎羅汝敬齎詔召安南文武吏士皆來歸并覈陳氏後當立者以聞利遣頭目黎公僕等送還官吏百五十七人戍卒萬五十一

百七十人馬千二百匹其陷沒不得歸者無算且言嵩死陳氏種絕上心知其妄然業置之乃詔利權署安南國事八年利死子麟代之正統初以麟事朝廷恭詔封爲安南國王諭令還所侵欽州地及逋民二百餘戶麟卒子濬嗣遣兵攻占城執其王摩訶賁該以歸詔歸其王不聽濬爲庶兄琮所弑弟灝嗣輒侵我土司地攻殺老撾宣慰使刀板雅蘭掌父子爲八百敗歸累詔戒諭之灝驚灝自如屢攻占城併其國我無以禁而中官錢能鎮雲

南復私與瀨通闌結諸夷奸宄繹騷幾危雲南賴
巡撫王恕發其奸亂乃弭弘治十年瀨死子暉嗣
使者入貢乞改所賜常服從王制不許十七年暉
卒弟誼嗣阮种弑之立瀨庶子調調孱甚政在羣
下盜起國亂正德十一年陳高弑調自立莫登庸
逐高立調兄子諱專其國高奔據諒山死諱迫於
登庸奔清化庶弟慮立交人云慮登庸子也無何
死登庸遂竊安南王其子方瀛諱竟死清化故臣
矣立諱子寧居木州漆馬江倚老樞爲援嘉靖十

六年寧遣鄭惟燎來乞師上以登庸弑逆又久不
庭當誅議討之以威寧侯仇鸞爲帥尚書毛伯溫
督師伯溫至廣區畫諸便宜爲進兵計廣守臣多
難之且謂莫之篡黎猶黎之篡陳先後事同不足
誅登庸亦遣人自歸廷議未決伯溫駐師境上檄
諭交人懸重賞購登庸父子懼請束身待罪歸欽
州四峒故地世世奉職貢乃於鎮南關築壇具儀
登庸率其屬繫頸徒跣北面匍匐上表降伯溫承
制受之詔赦登庸歸廢勿王以爲安南都統使世

其職仍覈黎寧果黎後則昇以所據地否則已制
下登庸已死授其孫福海二十六年福海死子宏
瀛幼阮如桂等擁立之族人莫正中欲為亂不克
來奔三十年命宏瀛嗣四十三年貢使黎光賁至
京光賁以國難羈留南寧者十五年至是乃達其
後貢遂絕萬曆間莫茂洽為都統使茂洽死國大
亂數年鄭惟憐子鄭檢立黎暉後黎維邦為主維
邦死檢子松復立維邦子維潭嗣盡逐莫氏遺孽
莫敬用竄居高平府敬璋敬恭竄居東海府保藥

州復內相讎未幾敬璋為黎兵所殺維潭遣使淨
海詰督臣歸罪請款關輸貢移文擅用前國二印
守臣詰之維潭飾辭對然請款愈堅因與約必以
高平居莫氏如黎氏漆馬江故事維潭心難之業
為期啓關有日矣遂遁去頃之復款具言其恢復
之義歸附之誠第謂高平乃其故土且莫氏篡臣
不宜以漆馬江為比守臣曰莫氏在先世雖為篡
逆今日乃國家之外臣也爾安得滅之以彼奔敗
之餘使得假息一隅毋遽殄絕是我國家所以鎮

撫四夷共其患難之意也且彼此分定我諸土司亦毋敢黨亂以遺爾憂於爾豈不利焉而愛此尺寸之地爲維潭乃聽二十四年夏四月築壇具儀受其降具如登庸故事督臣陳大科疏聞因盛言莫之篡黎其事逆先朝猶赦其愆况黎之復讎其名正今日宜許其順以夷治夷祖宗成法事下兵部議如大科言詔以維潭爲都統使予莫敬用以高乎令維潭毋得侵害安南復定其地東至海西至老撾南接占城北連思明衡二千八百里縱一

千七百里夷獠雜居獷悍喜鬪其君長尤狡獪有二名以僞名事中國自黎氏以來雖奉貢稱藩然自帝其國中如趙佗故事死則加僞謚黎暘之弒或云鄭惟鏞爲之陳暘討惟鏞而僭焉者也諱者惟鏞所立也鄭宗強亡黎者鄭也登庸乘亂而竊其柄者也寧者非真諱予也傳聞死不得而詰矣其俗惟交愛八儻驪演人淳秀有華風文學則驪演爲盛其山川佛跡勾漏傘圓富長江宣光江爲大產金珠珊瑚玳瑁丹砂諸香蘇合油胡椒麝

羊角犀角兕白鹿猩猩狒狒白雉翡翠蚺蛇蟻子
鹽醢波羅密菴羅果烏木蘇木

茅子曰昔當宣德間西東楊稱名臣哉然其勸宣
皇帝之棄安南先臣謂良策也我敢同聲而和耶
文皇帝兩出師損士衆傾府庫竭倉廩當是時天
下良苦之數公者固腹心帷幄之臣也豈不可置
一語哉及郡邑之戍守之章章有程士大夫便於
朝農便於野商賈便於道一夫跳梁委而棄之肯
堂肯構其謂之何是役也實基於文皇以輔得之

使以輔守之如黔之於雲南也安得屢叛哉其議
棄之也輔實爲元老不敢堅其說將有望耶抑不
得已耶嗟乎屯法之弊軍民均病焉二公之所爲
也恩可殉法可弛根本可不虞况區區疆域哉迨
肅皇帝以天縱之英武慨焉欲正篡弒之罪而當
是時有君無臣至今惜之君臣之難相遭也如此
哉然有文皇在數公者皆宣力王家者也故曰爲
君難謹按其疆域之詳及進兵之道於左方以告
後之君臣

疆域

永樂四年建安南等處承宣布政使司提刑按察司都指揮使司治交州府領府一十七州四十一縣一百四十二又州五領縣一十五共為州四十六縣一百五十七

交州府 領州五縣一十三

慈廉州

福安州

威蠻州

利仁州

三帶州

東開縣

慈廉縣

石室縣

英留縣

清潭縣

清威縣

應平縣

平陸縣

利仁縣

安朗縣

安樂縣

扶寧縣

立石縣

北江府 領州三縣七

嘉林州

武寧州

北江州

嘉林縣

超類縣

細江縣

善才縣

東岸縣

慈山縣

善誓縣

諒江府 領州二
縣二十一

諒江州

上洪州

清遠縣

那岸縣

平河縣

鳳山縣

陸那縣

安寧縣

保祿縣

古隴縣

唐安縣

多錦縣

諒山府 領州七
縣五

上文州

下文州

七源州

萬涯州

廣源州

上思州

下思州

丘温縣

鎮夷縣

淵縣

丹巴縣

脫縣

新安府 領州四
縣二十一

東湖州

靖安州

南策州

下洪州

至靈縣

岐山縣

古費縣

安老縣

水棠縣

支封縣

新安縣

和同縣

利縣

萬寧縣

雲屯縣

西岐縣

清河縣

建昌府

領州一
縣六

快州

建昌縣

布縣

真利縣

東結縣

芙蓉縣

永潤縣

鎮蠻府

領縣四

廷河縣

大平縣

古蘭縣

多翼縣

奉化府

領縣四

美祿縣

西真縣

膠水縣

順爲縣

建平府

領州一
縣六

長安州

蠻安縣

大懿縣

安本縣

望瀛縣

安寧縣

黎平縣

三江府

領州二
縣六

北江州

宜江州

沱江州

麻溪縣

夏華縣

清波縣

西蘭縣

古農縣

宣化府 領縣九

曠縣

當道縣

文安縣

平原縣

底江縣

牧物縣

大蠻縣

楊縣

乙縣

大原府 領縣十一

富良縣

司農縣

武禮縣

洞喜縣

水通縣

宣化縣

弄石縣

大慈縣

安定縣

感化縣

天原縣

清化府 領州四縣

九真州

愛州

清化州

葵州

安定縣

永寧縣

古藤縣

梁江縣

東山縣

古雷縣

農貢縣

宋江縣

俄樂縣

石砬江縣

安樂縣

又安府 領州四縣

驩州

南靖州

茶籠州

王麻州

衙儀縣

友羅縣

丕祿縣

士油縣

得江縣

真福縣

古社縣

土黃縣

東岸縣

石塘縣

奇羅縣

盤石縣

河華縣

新平府 領州二縣三

政平州

南靈州

衙儀縣

福康縣

左平縣

順化府 領州二縣

順化州

利調縣

石蘭縣

巴闔縣

安仁縣

茶偈縣

利蓬縣

乍令縣

思蓉縣

蒲台縣

蒲浪縣

士榮縣

升華府 領州四縣

升華州

思義州

黎江縣

都和縣

安蒲縣

萬安縣

具熙縣

禮襟縣

持羊縣

白鳥縣

義純縣

鵝孟縣

溪錦縣

廣威州 領縣二

麻籠縣

美良縣

宣化州 領縣三

赤土縣

車來縣

塊縣

嘉興州 領縣三

籠縣

蒙縣

四忙縣

歸化州 領縣四

安立縣

文盤縣

文振縣

水尾縣

濱州 領縣三

瓊林縣

茶清縣

芙蓉縣

安南偽制即交州偽東都僭設五府五部六寺御
更臺通政司五十六衛四城兵馬等衛門附郭府

一曰奉天縣二曰廣德永昌其西都今為清華承
政古齋本登庸故鄉無城郭以鐵力木作排柵三
層為外衛登庸所自居也外分道十三設承政司
憲察司總兵使司

安邦承政司即交州地領府二曰海東

海陽承政司即新安地領府一曰海陽

山南承政司即諒江建昌奉化鎮蠻建平地領
府一十一曰上洪下洪天長廣東應天荆門新
興長安涖仁平昌義興

京北承政司即北江諒江地領府四曰北河鳳
山諒江順安

山西承政司即交州三江嘉興歸化地領府六
曰歸化三帶端雄安西臨洮沱江

諒山承政司即諒山地領府一曰諒山

太原承政司即大原地領府三曰太原富平通
化

明光承政司即宣化地領府一曰宣化

興化承政司即廣威州地領府三曰興化廣威

天關

清華承政司卽清化地領府四曰紹天鎮寧蔡州河中

义安承政司卽义安演州地領府八曰义安肇平思义奇華德先演州北平清都

順化承政司卽順化升華地領府三曰順化英都昇華

廣南承政司卽义安領府三曰廣南茶巒五麻道里

入交道三二由廣西一由廣東一由雲南由廣東則用木軍伏波以來皆行之廣西道未行之雲南道元及我朝始開廣西道亦分爲三從憑祥州入者由州南關隘二日至交之文淵州坡壘驛復經脫朗州北一日至諒山衙又一日至温州之北險徑半日至鬼門關又一日經温州之南新麗村經二卜江一日至保祿縣半日渡昌江又一日至安越縣南市橋江下流北岸一道由思明府入過摩天嶺一日至鬼陵州過辨強隘一日至祿平州

西有路一日半至諒山府若從東南行過車里江此江永樂中黎季犛堰之以拒王師後偵知其堰處乃決之以濟師一日半至溫博州又一日率過耗軍峒山路險惡又一日至鳳眼縣又分二道一曰至安越縣之南市橋江北岸各與前道會其自龍州入者一日至平而隘又一日至七源州二日至文蘭平茄社又分爲二道一曰道從文蘭州一曰道經右隴縣北山徑出鬼門關下四十里渡昌江上

源經右隴之南沿江南岸而下一日至世安縣平地至安勇縣又一日亦至安越縣之中市橋江北岸一道從平茄社西一日半經武崖州山經二日至司農縣平地又一日半亦進至安越縣之北市橋江上流北岸市橋江在安越縣境中昌江之南諸路總會之處隨處皆可濟師一日至慈山府歷東岸嘉林等縣渡富良江以入交州雲南亦有二道其一道由蒙自縣經蓮花灘入交州之石隴關下程瀾峒循泚江源右岸四日至水尾州又八日

至文盤州又五日至鎮安縣又五日至夏華縣又
三日至清波縣又三日至臨洮府洮水即富良江
上流其北為宜光江南為沱江所謂二江者也臨
洮二日至山圍縣又二日至興化府即古多邦城
自興化一日至白鶴神廟三岐江又四日至白鶴
縣渡富良江其一道自河陽隘循洮江左岸十日
至平源州又五日至福安縣又一日至宜江府又
二日至端雄府又五日亦至白鶴三岐江然皆山
徑欹側難行其循洮江右岸入者地勢平夷乃太

道也若廣東海道自廉州烏雷山發舟北風順利
一二日可抵交之海東府若沿海岸以行則烏雷
山一日至永安州白龍尾白龍尾二日至玉山門
又一日至萬寧州萬寧一日至廟山廟山一日至
屯卒巡司又二日至海東府海東二日至經熟社
有石堤陳氏所築以禦元兵者又一日至白藤海
口過天寮巡司南至安陽海口又南至塗山海口
又南至多漁海口各有支港以入交州自白藤而
入則經水棠東潮二縣至海陽府復經至靈縣過

度 四夷十六

黃徑平灘等江其自安陽海口而入則經安陽縣
 至荆門府亦至黃徑等江由南策上洪之北境以
 入其自塗山而入則取古齋又取宜陽縣經安老
 縣之北至平河縣經南策上洪之南境以入其自
 多漁海口而入則由安老新明二縣至四岐遊洪
 江至快州經鹹子關以入多漁南為太平海口其
 路由太平新興二府亦經快州鹹子關口由富良
 江以入此海道之太略也交州之東有海陽荆門
 南策上洪下洪順安快府等府去海頗遠各有支

港穿達迤邐數百里大艦不能入故交人多平底
 淺舟以便入港云

武備志卷二百三十八

武備志卷二百三十九

方風茅元儀輯

占度載

度 五十

四夷 十七終

朝鮮考

朝鮮箕子封國漢初為燕人衛滿所據傳至右渠
武帝攻殺之置真番臨屯樂浪玄菟四郡漢末公
孫氏晉高氏並據其地高本扶餘別種人改國號

曰高麗居平壤卽樂浪也已爲唐所破東徙後唐
時王建代高氏并有新羅百濟地益廣東徙松岳
以平壤爲西京元至元中西京內屬置東寧路總
管府畫慈嶺爲界國朝高皇帝洪武二年王顯表
賀卽位遣符璽郎僕斯齎金印誥文封顯爲高麗
國王使者入謝上從容問王居國何爲城郭修乎
甲兵利乎官室壯乎頓首言東海之波臣朝夕禮
覺王甚恭他未皇也璽書諭王佛法非所以治國
梁武後世之前車也王其毋惑以王君臨一方而

出令之無所其何震之有王國北接虜而南鄰卽
虜創于此恐將逸于彼倭狡而貪出沒海上且窺
王虛實朕私憂之設險蒐乘以固吾圉惟王念哉
今以經史諸書賜王其悉朕意中書省臣言高麗
使者往來私爲市非法請征其入而禁其出不聽
五年顯請徙耽羅國所留蒙古人及征蘭秀山逋
寇報詔耽羅爾附庸也蒙古亦人耳爾何棄焉逋
寇以朕命命之傳檄可致勿用兵頃之貢馬五十
疋道亡其二使者以聞及馬至無恙詰之則使者

所償也。上責其不誠，却之。七年，諭中書省臣曰：古諸侯事天子，比年小聘，三年大聘，五年一朝，九州外夷戎世見而已。高麗去中國近，知經史禮樂，非他邦比。宜令三年一聘，不則比年聘。曩高麗貢獻數，使者瀕海幾不返，甚失朕意。丞相其明以諭王。八年，顯弒死，子禍嗣，貢不如期，却之。羈其使周誼，仍勅遼東守臣絕勿通。十七年，表請故主謚及嗣封，不許。十八年，許之。明年貢馬千疋，布萬匹，謝請易冠服，不許。指揮高家奴自其國市馬歸，言禍辭。

馬直上，令給之。二十一年，國相李仁人廢禍，立王昌。歲中，兩請入朝，皆不許。李成桂復廢昌，立定昌。國院君瑤嘗遣子奭來朝，奭未歸而成桂廢瑤，自立王氏。自五代至今，傳數百年，絕其國。評議司表言：禍昌不當立，瑤暴虐，失人心，國虛無。王舍成桂莫適與也。惟朝廷命之上曰：彼夷耳，吾何誅成桂更名，且徙居漢城。已請更國號，詔仍稱朝鮮。二十八年，入貢，表語謾逮，撰表者鄭總羈留之。令遼東絕朝鮮，且老請子芳遠嗣。永樂元年，賜冕服，經

籍從芳遠請也六年世子禔來貢八年獻馬萬匹
助征虜十三年表更立子禔爲世子是年芳遠者
請以禔嗣宣德元年遣使賜禔五經四書及性理
大全綱目通鑑因謂禮臣是書有國家所當知朕
嘉惠遠人故賜之四年禔進海東青制詔珍禽異
獸非朕所貴其勿進方物效誠而已母金玉器禔
再進再諭之已請遣子弟入學不許仍賜諸書俾
學于國中正統四年建州夷酋凡察童倉逋居朝
鮮界上別酋李滿住以爲言詔問禔亡何凡察歸

建州禔表言凡察以窮歸臣臣遇之善叩翼而遂
飛必索之凡察復言禔羈留其私屬請赦還不則
隨以兵詔兩解之且慰藉禔國家以王爲東藩如
凡察直夷酋之何敢望王彼其懷鳥獸心去留無
恒王箒善自備母與較景泰元年賜禔世子珣冕
服禔卒珣嗣三年卒子弘曄嗣穉而孱遜其叔球
天順二年邊臣疏球私與建州夷酋董山通已又
殺毛憐酋郎卜兒哈累詔戒諭之成化三年進海
青白鵲却之時方征建州球遣中樞府知事康純

等率兵助王師捕斬李滿住及其部落遣使來獻
俘璽書褒嘉之明年梁卒子朧嗣六年朧卒從子
婁嗣復出兵助擊建州捷聞遣中使賚王金幣并
及其將士弘治八年婁卒子慳嗣慳病風遜其弟
懌嘉靖二十三年懌卒子峭嗣未踰年卒子峒嗣
時日本入寇舟漂至朝鮮及奸民往來海上私與
倭市峒輒捕以獻上亦厚賜予答其意隆慶元年
峒卒從子松嗣李氏自成桂以來事朝廷恭歲時
朝貢外慶慰報謝無常期行李踵於道王嗣立則

使者往封有大事則頒詔其國他夷不敢望也如
成桂立高皇帝雖置不問然心惡其篡而傳者復
以成桂為仁人子故祖訓謂其父子先後弑王氏
四主其後嗣當永樂正德嘉靖間累表自白言恭
愍之弑由嬖臣倫仁人誅倫立禍禍既立則遣兵
侵遼東先臣成桂懼于上國返其兵禍遂遜位于
子昌而恭愍妃安氏以禍昌皆非王氏不當立乃
黜昌立瑤瑤復不道國人請命高皇帝立先臣贍
瑤別邸終其身先臣實未嘗為弑而虛蒙此聲又

家世出新羅司空顧以爲仁人子皆寬甚乞下史館昭雪之神廟初乃得請其地之金山者海口也與日本相對金山之民向與倭往來互市無間有長子孫通婚姻者曰倭戶又曰麗倭時王昞久於位息棄政事其臣柳承寵李德馨輩邪說得政戎事廢弛故日本酋平秀吉乘之師起不兩月而封疆已失其半矣入王京王昞奔義州告急於本朝乃拜兵侍郎宋應昌爲經略將兵以勦之是時議者謂倭得朝鮮可以旦夕渡鴨綠內窺畿輔外托

山東皆舉羊之易故勦之者不惟恤屬國亦以杜巨害而兵尚書石星入沈惟敬之說使往倭營說封貢星之意以倭之所以蹂中國者在不得互市耳可以表餌代甲兵與之封號如北虜西番以備四夷來王之禮固無所不可而惟敬乃請張其說逐私許以帝女下降而其議兩抗而不入矣應昌薄軍平壤倭來博戰遂乘之斬獲頗多於是降議始有緒以詔旨宣諭之羅拜聽命去王京送還五子官眷百餘口言者謂應昌不任乃以顧養謙代

養謙疏上與朝議不合亦謝病去乃以孫鏞代是時小西飛者報命因請封上以倭尚屯釜山乃庭詰之小西飛稽顙曰留軍待封使非敢有它懷乃鑄王印遣臨淮侯長子李宗城副將楊方亨往封之是時惟敬謂功多可得專使即不爾亦可介而兩不用宗城復統袴不諳事謾罵惟敬惟敬思有以困之且倭戀金巢未肯輕去遂羈一使於倭管一載度其窘以危言惕之宗城棄璽書而遁朝議逮宗城而以惟敬副方亨倭將行長清正始撤師

冊使得渡海朝鮮陪臣從秀吉責朝鮮王子不親謝及期引使者入見方亨前立惟敬捧印立階下良久忽殿上黃帷開一老叟曳杖挾一青衣而出卽關白秀吉也侍衛呼噪一使匍伏老叟頗加語讓行長曰此大朝送禮人宜優待之始出就館次日宴冊使惟敬方發言撤兵通好秀吉即怒曰天朝遣使封我我不敢辭朝鮮決不許和天使亦不須久留詰朝可即發我當再征朝鮮耳一使行至耶古耶將渡海倭酋賞秀吉書來一使謂謝表也

發之乃檄責朝鮮列其三罪至金山金山倭管尚
弱朝鮮將李元真欲乘虛擊之惟敬不可乃私市
珍異為秀吉貢物以詭報而倭兵陸續渡海以行
長清正與哥義弘將朝鮮避兵顛越本朝復議出
師而兵已盡撤募者不至乃下石星於理時倭兵
二十餘萬分五路而入不復掠財嗜殺唯據險守
城為久遠設施第敵本因糧朝鮮而朝鮮久遭兵
燹公私無儲野谷未蕃故倭亦待秋而進鑽乃議
設水兵於天津登萊以防其海道衝突自寧城至

開城千四百里皆設兵守之據朝鮮形勢之半教
其國兵以漢戰即山以鑄錢因地以開年亦為久
遠設施未幾鑽亦去而邢玠代楊鎬為經理惟敬
度不能得之秀吉乃乞朝鮮僧百計說清正終不
得懼得罪將竄降倭玠乃密投南原守將楊元瑜
獲之惟敬恨元乃以虛實報行長攻破南原得拓
林要路水陸並闌入全州破守將陳愚衷遣時慶
尚大半已陷全羅之南賊皆橫行逼于京玠尚未
出山海關朝鮮惟倚藉經理鎬鎬駐平壤不即進

開二城破始至王京漫無一等是時朝議以朝鮮不自奮激責其王苟契率二軍死守社稷當大發兵餉以助討賊如自輕宗廟竄伏草莽求緩須臾中國豈得代為爾戍弗持兩端以悞機務朝鮮上具言誠款請躬服縶韉以待指揮是時王京水路要害皆為賊所得使其半由陸牽制於南半由水抄入於北則吾兵陷死地而倭犯旅順犯天津犯登萊無不可直踐中國第倭酋無雄略恐離海口易進難退故築營壘窖芻糧令麗民納糧免戮愈

為久遠設施而我得待兵餉之集玠未抵王京倭遊兵先至全義館距王京止百五十里偏將楊登山牛伯英敗之斬其驍將葉一枝倭氣稍挫玠至規短行長管在釜山清正營在西生浦與諸將計曰我先攻釜山則倭據險阻我水陸失援必先破清正則可以盡步兵之力東至東萊機張北至慶州蔚山但必得水軍為奇兵以牽其四顧而陸兵方可出所患者水軍弱耳乃合計步馬共得四萬餘并將高麗之軍萬餘以高策為中軍李如梅為

左軍李芳春爲右軍大將麻貴同經理鎬自忠州
烏領向東安而趨慶州專攻清正然恐行長自西
來援則令中軍扼全羅使不暇顧又攜三路騎兵
千餘人同朝鮮之師由天安全州南原而下命平
壤一帶備行糧十二萬聲言大舉以搖其心分其
勢水軍寡使暗伏俟戰鳴鼓爲疑兵倭敗遁則夾
擊之盟師而發是時丁酉十二月四日也至二十
且兵會於慶州知賊巢於蔚山蔚山之南爲島山
二山不甚峻而城依山爲固中有一江可通金山

其陸路則由彥陽亦可通金山麻貴將專攻蔚山
分軍扼彥陽以絕金山之援李如梅等斬獲四百
四十餘遂逼島山管遊擊茅國器又斬獲六百六
十餘遂密匝四圍困之十日倭食盡汲斷至嚙紙
飲溺并食以食善擲者而餘聽其餓死礮彈以碎
鐵難藥可一發傷兩人清正固守不下俟我之息
詐以降請鎬信之疏報曰清正乞降臣不之許必
當生擒以獻闕下者將吳惟忠曰圍城必缺走而
可擒也鎬叱之逮十日行長援至然恐我師乘其

後止抽精銳二千遍樹旗幟蔽江而下水兵寡故
不足以禦鎬震懼議正月初四撤兵先一日輕騎
遁去士皆奔竄清正襲之損失過半以是鎬罷歸
二軍俱回屯慶州黎濟以自固乃益召川廣兩浙
之師而名將陳璘劉綎張榜鄧子龍藍芳威等皆
至以萬世德爲經理玠以地理隔越山川險阻兵
不可聚分爲水陸四路以李如梅主中麻貴主東
劉綎主西陳璘主水合師十萬各守信地未幾如
梅鎮遼以董一元代之世德猶未至玠卽于九月

二十日進師是時倭據朝鮮七年于茲矣沿海千
里分爲三窟清正仍據蔚山行長則據順天義弘
則據望津泗川麻貴駐溫井當清正深溝高壘時
出遊兵以擾之劉綎駐水源當行長行長寨逼于
海綎兵不能進乃誘行長出會以擒之每期則單
騎候於道行長漸信之而綎部下降後洩其謀行
長驚遁綎以兵迫之不利愈迫之遂大獲董一元
當義弘躬往宣府募家丁未至裨將茅國器請以
身當賊日有斬獲乃作檄諭之以携其黨黨有離

心乃俟一元至大舉倭臨江固守勢若長蛇國器
 曰觀其形勢以望洋為首首碎則立破矣然晉江
 不可飛渡當以計得之邏騎得一婦自倭營來懷
 中出一紙署曰此婦將度異域吾憐而贖之天兵
 弗害也未曰知吾姓者令公之後埋兒之父問吾
 名者有或之口無才之按國器贊畫諸葛繡解曰
 此郭國安也以語叅謀史世用世用躍然曰郭國
 安華人也往與共在日本誓自効於本朝今在茲
 可以間矣乃謀調之知義弘尚在泗川主望津營

者國安也乃遺書約之於九月二十日伏火屯聚
 俟我師渡焚糧以應之至期如所約遂大勝奪其
 營倭退守於泗川是日麻貴亦襲破永春焚其營
 壘積聚二十一日西破昆陽焚燬殆盡三營既破
 我兵得駐江南二十八日夜半襲泗川驍將李寧
 以先入失道陷沒我兵反為所乘及曉我兵四集
 倭奔敗遂斬獲數百倭棄城奔新寨乃燒其東陽
 倉二十九日議取新寨即義弘所居也國器曰倭
 雖敗而士尚眾併歸太營其守必力攻之不下而

援兵四集，往事可鑒。也不若先攻固城，倭方挫，未敢出救。固城拔，則新寨援絕。此長策也。一元狃于屢勝，掀髯曰：疾雷不掩耳，寨將不戰而下矣。遂進師城，幾壞而木槓破，藥煙障目。倭遂乘之，我兵大敗，奔潰。國器欲死守望津，而諸將已不能軍。乃還星州。是時陳璘率邵子龍等扼海道，倭艇不敢橫行。忠清道有九龍島者，不可燃，犀禪將方日新過其處，銃驚水怪，一軍盡沒。十月世德至王京，乃移檄倭營，數秀吉之罪，而嘆憫島民無辜。八年暴露

以感激之。是時倭衆久思歸，得檄心動。值秀吉死，其子金哥幼，國中潛謀篡奪。三將皆欲歸，莫敢先發。國器知義弘素怨秀吉，可間也。乃遣茅國科持世德檄齎金帛，以見義弘。郭國安從旁贊之。義弘諾國安私謂國科曰：國有大故，勢當疾歸。所恃者金山數月糧耳，糧盡當歸矣。已而清王糧果盡，告猶義弘，義弘不許。清正乃先撤蔚山之師，義弘行長以次而撤。陳璘俟其渡海，以水師邀之。邵子龍深入後軍，火器俱中。其帆檣遂戰沒，我兵戰益力。

倭不善水戰且無鬪志遂大敗復竄於岸者為陸兵所掩溺死萬餘斬首尚千餘級行長最後發師猶在道為劉綎所邀大敗之至是三路二十一寨悉蕩平是時戊戌十一月也我師歸朝鮮得再有其國焉至庚子善後始畢大司農計度支自珩出凡四載用餉銀八百餘萬兩軍資不與焉恥卒子暉嗣四十六年奴酋犯順乃勅王整軍協勦經略楊鎬於己未二月十一日誓師而發鎬即故經略朝鮮金山齊遁而罷者也起鎬田間識者曰無以

謝遼士且不可使朝鮮聞也然事急莫敢言者鎬以詔旨發其師暉命姜弘立為都元帥金景瑞副之率士萬三千人銃手居多朝鮮之習火器自東征始也其法以木為牌並列如墻開穴置銃銃力頗猛鎬命屬於劉綎綎即征東時大將也時當一面其道出寬奠與朝鮮近故使屬之而命遊擊喬一琦督焉綎之師頗有斬獲朝鮮再喪之餘稍知訓練亦能成軍虜覆他路將杜松假其旗幟以襲綎軍綎一琦皆戰沒朝鮮裨將金應河據山為

管嚴銃以拒虜中銃不退天乃大風揚塵銃不能發應河據胡牀持大弓射賊力屈而死弘立與景瑞舉軍降次年天子下詔恤朝鮮之死事者資以萬金助以火藥廷議請以行人司副劉時俊往且令駐劄義州以獎勵朝鮮士卒是時朝鮮使臣在京師以往者東征之役官軍頗暴其民請自奉勅齎齎以往不敢煩天使且言殘敗之餘未能整衆義州之駐無益事宜本共黃嘉善遂請令順齎勅齎如所請而時俊駐寬奠寬奠則我境也非勵率

外藩之意矣時俊辭遂罷其使是時奴嘗以威脅朝鮮朝鮮懼遂陰與通而陽調於我邊臣有言其餽鹽米與虜者言路以為言王暉震恐乃表各行人失辭請命專使并白其邊辭緩禍非敢陰餽鹽米疏留中其地東西相距二千里南北四千里分八道統府州郡縣其設官略倣中國以田制俸刑法不苛俗柔謹崇釋尚鬼惡殺茅居苧衣知文字喜讀書上下威儀燦然可觀矣山川九都神嵩北岳海鴨綠江爲大產金銀鐵水晶鹽紬苧布白礬

紙狼尾筆果下馬長尾雞貂豹皮八稍魚昆
布杭黍麻榛松人參茯苓其貢道由鴨綠江歷遼
陽廣寧入山海關達京師成化中苦女直邀劫請
改道職方郎劉太夏持不可議遂寢

茅子曰葉少師嘗謂隋唐之際高麗勁矣明興濡
沫皇風俎豆詩書為冠帶國彼威之而不來此柔
乏而愈服雖招携有經亦先聖之遺化也成桂初
興逆取順守於今弗替可謂盛矣而襲休日久積
弱成形高皇前言徵於左卷神聖豫謨曷可忽哉

余竊有感也高皇豈特謂其弱哉知其弱則不能
守不能守則唯強者是附唯強者是附則不可責
以忠義望其圖報矣今李氏宗社失而復存朝廷
之德實與天並邇者東事紛紜頗有陰陽天下不
能無望焉夫成桂之於王氏何如哉奪其國以至
於今故洪武末年令遼東絕朝鮮且著之祖訓焉
朝鮮之再通自永樂元年始也董山之叛亦陰受
其爵此其通女直之始也今禮義修於外觀望存
於中我恃其服彼恣其慢異日隱憂恐有不出高

皇豫料者可不戒哉故詳其疆域于左

疆域

京畿道

楊根郡

豐德郡

水原郡

漢城府

開城府

長湍府

揚州

廣州

潤州

驪州

果州

谷州

坡州

交何縣

三登縣

土山縣

江原道

忤城郡

平海郡

通州郡

寧越郡

松岳郡

旌善郡

高城郡

江陵府

淮陽府

三步府

襄陽府

鐵原府

原州

江州

槐州

溟州

平康縣

安昌縣

烈山縣

麒麟縣

酒泉縣

丹城縣

歸麟縣

蔚珍縣

瑞和縣

歙谷縣

黃海道

遂安郡

延安郡

平鄆郡

平山府

瑞興府

承天府

黃州

白州

海州

愛州

仁州

安岳縣

三和縣

龍岡縣

咸從縣

江西縣

以上五縣俱屬黃州

半峰縣

文化縣

長淵縣

全羅道

靈岩郡

古阜郡

珍島郡

全州府

南原府

羅州

濟州

光州

昂州

萬頃縣

茂長縣

鎮安縣

扶安縣

全渠縣

康津縣

興德縣

黃城縣

樂安縣

昌平縣

濟南縣

會寧縣

大江縣

臨波縣

古臯縣

南洋縣

富順縣

扶寧縣

麻仁縣

渚城縣

海南縣

神云縣

移安縣

慶尚道

蔚山郡

咸陽郡

熊川郡

陝川郡

永川郡

梁山郡

清道郡

金海府

善山府

寧海府

密陽府

安東府

昌原府

慶州

泗州

尚州

晉州

蔚州

東萊縣

清河縣

義城縣

義興縣

聞慶縣

巨濟縣

昌寧縣

三加縣

安陰縣

高靈縣

守城縣

惠清道

清風郡

林川郡

忠州

清州

公州

永春縣

報恩縣

燕岐縣

溫陽郡

矜州

靖州

幸州

扶餘縣

石城縣

天安郡

興州

禮州

洪州

保寧縣

連山縣

咸鏡道

端川郡

咸興府

安邊府

延州

惠州

燕州

利城縣

平安道

蜀莫郡

永興府

會寧府

德州

蘇州

隋州

寧遠郡

鏡城府

開州

合州

加山郡	价川郡	郭山郡
云興郡	熙川郡	宜川郡
江東郡	慈山郡	龍川郡
順川郡	傳川郡	
平壤府	見仁府	成川府
寧邊府	定遠府	江界府
昌城府	合蘭府	廣利府
安州	靈州	青州
定州	朔州	昇州

平州	撫州	常州
義州	宿州	銀州
鋼州	渭州	鉄州
買州		
孟山縣	德川縣	陽德縣
江東縣	中和縣	泰川縣

武備志卷一百三十九

武備志卷二百四十

防風茅元儀輯

占度載

度五十二


航海

茅子曰禹貢之終也詳哉言聲教所及儒者曰先
王不務遠夫勞近以務遠君子不取也不窮兵不
疲民而禮樂文明赫昭異域使光天之下無不沾
德化焉非先王之天地同量哉唐起于西故玉關


之外將萬里明起于東故文皇帝航海之使不知其幾十萬里天實啓之不可強也當是時臣為內監鄭和亦不辱命焉其圖列道里國土詳而不詛載以昭來世志武功也


明鄭和天寶曆


武備志卷三十四




武備志卷三十四 占度載 度 航海










昌國工所
郭巨子所
大嶼山
西嶼
東嶼
雙嶼門
大磨山
巡檢司



觀海
靈山衛
海寧衛
許山
灘山
列港
西後門
昌國所
吉嶼
尼山
磨山

武備志卷之三十一


占度載 度 航每



武備志卷之三十一

七


大南志卷之四
古夷儀 庚 航海



正德志卷之四



武備志卷三十一 占度載度 航海




大武山用舟長計四里餘于大武山
大河山用舟長計七里餘于大武山

武備志卷三十一 占度載度 航海



平海衛用舟長計四里餘于平海衛
南日山用舟長計四里餘于南日山



廣東

南海衛

神電衛

廣海衛

廉州

雷州

高州

香山所

南寧山


銅鼓山

萬州

獨山

石塘

石星石塘



東莞所

官富寨

大吳山

佛堂河

南寧山

同吉所

山離翁

山姜東

山第清



大星山

外平



甘山

占度載 度 航海










大正南洋志卷三十四 占度載 度航海 十四






大正南洋志卷三十四 占度載 度航海 十三


















武備志卷之百四十一
占度載
度
航
海

武備志卷之百四十一





此圖大到上指差甚多小斗差更甚



去正北一角



古其威
楚
机
每

指過洋看北辰星十一指燈籠骨星四指半看東邊織女星七指為母看西南布司星九指看西北布司星十一指丁得把昔開到忽魯謨斯看北辰星十四指

東邊織女星七指平水

南門雙星六指平水

丁得把昔過洋
平水
北辰星七指



到沙姑馬山燈籠骨星四指半平水
丁得把昔過洋燈籠骨星八指半平水

西北布司星十一指

西南布司星九指平水


錫蘭山回蘇門答刺過洋星圖

時月正回南亞里洋望華蓋星八指北辰星一指燈籠骨星十四指半南門雙星十五指
西北布司星四指為母北織女星十一指平亮山
東北織女星十一指平水

南門雙星平十五指平水

燈籠骨星正十四指半平水

華蓋星八指平水
北辰星七指平水




西北布司星四指平水

西南布司星四指平水


占度載度航海

龍涎與住錫蘭過洋牽星圖 看東西南北高低遠近四回星收錫蘭山
時日分三指別羅里開洋牽北斗星三指看西南邊水平星五指一角正路看東
燈籠星七指半平水



忽魯謨斯回古里國過洋牽星圖

忽魯謨斯回來沙姑馬開洋看北辰星十一指看東邊織女星七指為母看西北布司星
八指半丁得把背看北辰星七指看東邊織女星七指為母看西北布司星八指



武備志卷二百四十

寬文四年甲辰涼月

洛陽 隱士 石龜鵝子直訓點

寬政四年壬子二月

大阪書房

山本彦三郎

澁川與左衛門

泉本八兵衛

山口又一

